



9. januar 2014

Inatsisartut Suleriaasianni § 37 naapertorlugu Naalackersuisunut apeqqtut makku matumuuna saqqummiuppakka:

**Naalackersuisunut apeqqtut Naalackersuisuni ilaasortat immikkut siunnersortaannik atorfinitsisarneq akissaasersuinerlu pillugit Kaajallaasitaq 1. januar 2014-meersoq pillugu:**

**1. Iluamik paasinerpara oqartoqarmat Tom Ostermann sapaatip akunnerata naanera sippulaarlugu Aalisarnermut, Piniarnermut Nunalerinermullu Naalackersuisumut immikkut siunnersortitut atorfeqartoq suliunnaarsitaanerminut atatillugu qaammatini marlunni akissarsiaqartinneqassasoq? Tamanna pinerarneqarpoq sulisitsisut atorfillillu inatsisitigut pisussaaffii pillugit Inatsisartut Inatsisaanni kapitel 2-mi § 2 imm. 2 naapertorlugu.**

**2. Tom Ostermannip sapaatip akunnerata naanera sippulaarlugu Aalisarnermut, Piniarnermut Nunalerinermullu Naalackersuisumut immikkut siunnersortitut atorfeqartitaanera akissarsiatigut allatigullu Namminersorlutik Oqartussanut qanoq aningaasartuutaava?**

**3. Aalisarnermut, Piniarnermut Nunalerinermullu Naalackersuisuusimalersup qanga Naalackersuisoqatini ilisimatippaat immikkut siunnersortimik atorfinitsitsiniarluni, atorfinittussarlu tassaassasoq Tom Ostermann?**

**4. Qanga Naalackersuisut Siulittaasuata paasivaa, Tom Ostermann Aalisarnermut, Piniarnermut Nunalerinermullu Naalackersuisumut immikkut siunnersortitut neqeroorfigineqarsimasoq?**

**5. Naliginnaava Naalackersuisut allattoqarfianni atorfinitsitsinerit Siumup Siulersuisuunerinit akuerineqaqqaartarmata?**

**6. Kaajallaasitaq atsiorneqarpoq atorfilinnit Svend Hardenbergimit aamma MIIninguaq**



**Kleistimit, allassimangilarli ulloq suna atsiorsimanersut. Taamaattumik tamatuma makkunannga apeqquteqarnissara tunngavissippaa:**

**a. Kaajallaasitaq qanga Naalakkersuisunit akuerineqarpa aamma Naalakkersuisuni ilaasortat sorlii**

**kaajallaasitaq akuerinikuaat?**

**b. Kaajallaasitaq atorfilinnit taaneqartunit qanga atsiorneqarpa?**

**c. Naalakkersuisuni ilaasortat aamma Naalakkersuisoqarfinni pisortat ataasiakkaat qanga qanorlu**

**kaajallaasitaq kaajallaasitallu imai pillugit ilisimatinneqarpat?**

(Inatsisartunut ilaasortaq Andreas Uldum, Demokraatit)

### **Tunngavilersuut**

Aalisarnermut, Piniarnermut Nunalerinermullu Naalakkersuisup ulloq 2. januar 2014 tamanut nalunaarutigaa, Tom Ostermann immikkut siunnersortimisut atorfinitsissimallugu. Peqataanik nalunaarutigaa, ”piffissami sivisujaami” atorfinitsitsinissani eqqarsaatigisimallugu.

Kaajallaasitaq Tom Ostermannip atorfinitsinneqarnerani tunngaviusoq aatsaat atuutsinneqalerpoq atorfinitsisisoqarnerata aqaguani, taamaattumik tamatuma ilimanarsitippaa Karl Lyberthip ilisimasimagaa kaajallaasitaq piusoq ”piffissami sivisujaami”.

Naalakkersuisunut apeqqutit Naalakkersuisuni ilaasortat immikkut siunnersortaannik atorfinitsisisarneq akissaasersuinerlu pillugit Kaajallaasitaq 1. januar 2014-meersoq inuiaqatigiinnut annertuumik aningaasartuutaareerpoq, taanna pissutaalluni Naalakkersuisunut ilaasortaq tunuarmat Inatsisartullu januarip ulluisa 27-anni immikkut ataatsimiigiaqquneqarlutik. Pisut taakku marluk aningaasartuutunik annertuunik nassataqarput.

Tamanna tunngavigalugu Demokraatini pingaartipparput suut tamarmik paaseqqissaarnissaat apeqqutikkalu tamatumunnga aqqutissiueqataassapput.



DEMOKRAATIT  
DEMOKRATERNE

Tamatuma saniatigut Demokraatini amilaarnartutut isigaarput Karl Lyberthip soraarnerminut atatillugu oqaatigimmagu, tunuarnerminut pissutaaqataasoq Siumup siulersuisuisa akuerisimassuk Tom Ostermannip atorfinitsinneqarnissaa. Demokraatit silarsuaanni Siumup siulersuisuuneri susassarinnngilluinnarpaat Namminersorlutik Oqartussani kikkut atorfinitsinneqassanersut taamaattumik aamma paasiniartariaqarluinnarpoq ilumut tamanna ileqquunersoq. .

Apeqqutit akeqquneqarput ullut suliffiit naliginnaat qulit iluanni.